

**NAKAI FAI
VALAVAI**

**AI FAI
HILA**

**NAKAI FAI
TELEFONI POKE
KUPEGA HILA**

Ko e heigoa haau ka taute?

**NAKAI
MAEKE KE
HOKO KI
KAINA**

**KUA LATA KE
HOLA KEHE**

**APITIA KE
HE LOTO
KAINA**



GET READY

.govt.nz

Maeke e tau mena fakalutukia ke tutupu ha magaaho ni ha magaaho, ko fe ni ka ha hā ki ai. Tau vai tafe, tau afa, tau mafuike, tau peau kula tsunami, tau mouga pa mo e falu foki he tau mena hagahaga kelea ne maeke ke mutuhia e ha tautolu a tau momoui, mougou e tau kaina mo e maeke ke fai pakia kelea.

Kaeke ke tupu e taha mena fakalutukia, to lavelave e matakau gahua civil defence mo e tau faahi gahua ne lagomatai ke he tau lekua nei ha ne fae lagomatai ke he tau tagata ne kua manako lahi ke he tau lagomatai mai ia lautolu.

Ko koe ni ke fakaako e haau a magafaoa pihia mo lautolu ne ofania a koe ki ai ke iloa ko e heigoa ke taute.

Ko e tala mitaki, mukamuka lahi ke teuteu tuai. Fakatutala mo e haau a magafaoa mo e manamanatu ko e heigoa haau ka taute.

GET READY

**TAUTE E TAHA PALANA MO E HAAU A
MAGAFAOA, TAU KAPITIGA PO KE KAU
NE NONOFO AULO A MO KOE KE MAEKE KE
HAOHAO MITAKI KA TUPU E TAHA LEKUA
TUPU FAKALUTUKIA.**

Manamanatu ko e heigoa e tau mena haau ne kua lata ke fai ki ai he tau aho oti mo e manamanatu ko e heigoa la haau ka taute kaeke ke nakai fai he tau mena nei. Moua mai e taha lau pepa mo e tohi hifo ko e heigoa ne talia a koe ki ai, ko hai haau kua lata ke matutaki ki ai mo e tau mena kua lata.

TAUTE E TAHA PALANA

Our emergency PLAN

We will meet at Grandma's House.

Grandma will pick up Lily if we can't

We will check in with Auntie Jean 07 264 9621

Our Torch, Radios and first aid kit
are in the hall and the getaway bags
are in the cupboard.

Contacts

Grandma 071 422 196

Auntie Jean 07 264 9621

School 226 0977

076 0900

15296

To do list

Put Getaway bags in
the hall cupboard

Fill juice bottles with
water

Put sneakers in work p

Kaeke kua nakai maeke a tautolu ke hohoko ki kaina

To feleveia ke he mena fe kaeke ke nakai maeke ke moua e matutakiaga mo e nakai maeke ke hoko atu ki kaina? Hoko fefe a koe ki ai? Ko hai ka finaatu ke tamai e tau tama kaeke ne nakai maeke ia koe? Iloa nakai e lautolu? Fai fakamauaga tau numela matutaki nakai he fale aoga / aoga fakamahani?

Kaeke ke nakai maeke ia tautolu ke moua e matutakiaga

Ko hai haau ke fakakia atu ki ai? Kua lata ko e taha ne nofo ki fafo he taone neke kua nakai gahua e tau laini telefoni he maaga.

Ko hai ne ligaliga ke manako ke moua taha lagomatai?

Fai kapitiga, magafaoa poke tau katofia kaina ne liga ke manako ke moua haau a lagomatai ke maeke ia lautolu ke haohao mitaki ka tupu taha lekua fakalutukia poke kua lata ke fehola mai he lekua?

Kaeke kua apitia a tautolu ke he lotokaina

Loga nakai e tau menakai haau ke lata mae tolu e aho poke molea (ke lata mae tau tagata oti pihia foki mo e tau mukemuke mo e tau manu fao)? Fai nakai a koe he tau kasa, taha letio, mo e tau maka ke lata mae tau koloa ne ua nei? Aikua e taha puha ne toka e tau koloa lata mae tau matematekelea/tau sega vai? Nakai kua lata ni a lautolu ke tuku oti he taha puha lahi, ka e to liga kumi tei a koe he tau koloa nei ka pouli.

Kaeke kua lata ia tautolu ke o ke he fakamafiti

Fai kato koloa* oti nakai e tau tagata he kaina ke lata mo e magaaho kua lata ke fehola? Ke he lotokaina, ke he gahuaaga, ki loto he peleoafi?

* *Ko e taha kato tote mo e tau mena tui mafana, moli hulu, letio, kato ne toka e tau koloa tului, tau mena mo kaikai mo e vala vai, tau vai tului mahuiga mo e tau lagaki he tau tohi mahuiga mo e taha tohi fakakiteaga ko koe, ne fai ata ke maeke ia koe ke hoko ke he taha matakavi haohao mitaki.*

Kaeke ke nakai fai hila

Maeke fefe ia koe ke tunu kai, fakamafana, mo e kitia ka po? Fai tupe nakai a koe neke ai gahua e tau masini ATM? Fai penisini nakai a koe neke kua ai gahua e tau pamu penisini?

Kaeke nakai fai vai a tautolu

Lahi nakai e vai inu haau ne kua fakaputu (tolu e lita he taha e tagata he taha e aho ke tolu e aho poke molea)? Fai vai nakai a koe mae haau a tau manu fao? Ko e heigoa haau ka fakaaoga mo tunukai mo e fakamea? Ko e heigoa haau ka fakaaoga mo fale tote?

Ko hai kua lata ia tautolu ke matutaki atu ki ai?

(Tumau ke vilo 111 kaeke kua tupu e taha lekua fakalutukia)

Manamanatu atu ke he numela fakaaoga he haau a tufono maaga, faahi malolo tino/ekekafo, tagata pule kaina, kautaha pisinisi inisua, kautaha pisinisi hila, aoga fakamahani/aoga lahi, gahuaaga mo e magafaoa.

Ko e heigoa haau ka taute?

APITIA KE HE LOTO KAINA



Ke he laulahi he tau mena tutupu fakalutukia, kua mitaki ni ke nofo he haau a lotokaina kaeke kua haohao mitaki ke taute pihia. Ka nofo ke he lotokaina mo e liga ke ai fai hila mo e vai poke taha hala ke moua aki e tau koloa fakaaoga ke he tolu e aho poke molea. Loga nakai haau a tau mena kai mo e tau valavai? Aikua a lautolu he magafaoa ne kua lata ke moua e taha vai fakamalolo tino? Loga nakai haau a tau mena kai mo e tau valavai ke lata mae tau manu fao ke hohoko mo e mafola foki?

TAUTE KE MAU

- 1 Nakai pehe ke tuku ni e tau koloa fakaaoga haau ki loto he taha e kato pauaki, ka e liga to fano ni a koe ke kumi e tau koloa nei he pouli. Fakamooli kua iloa oti e lautolu e tokaaga he tau kasa mo e tau maka.
- 2 Kaeke kua mate e hila, kai mua e tau kai he haau a filisa momoko, to filisa aisa. Ti kai e tau kai ne haha iai he haau a tau kapati poke haau a koloa fakaputu pauaki ke lata mae tau mena tutupu fakalutukia.
- 3 Fano ke iloa e haau a tau katofia kaina. Kaeke kua tupu taha mena fakalutukia to liga manako a lautolu ke he haau a lagomatai poke to manako a koe ke lagomatai mai e lautolu a koe, poke liga maeke ke kau fakalataha ke hoko mo e mafola.

LAGOMATAI AOGA

Fakatumau ke iloa e tau fakailoaga haggao ke he tau mena tutupu ha kua fanogonogo ke he letio ne fakaaoga he maka kasa poke letio ne fakaaoga he malolo mai he laa. Fakatonu ke he haau a tufono maaga mo e/poke poko kupega hila mo e tau poko matutaki mo e tokologa he Civil Defence Emergency Management Group. Mumuitua ke he tau hatakiaga he civil defence mo lautolu ne leveki ke he tau mena tutupu fakalutukia.

Ko e heigoa haau ka taute?

NAKAI MAEKE KE HOKO KI KAINA



Ke he taha mena tupu fakalutukia, to liga nakai holo e tau peleoafi papiliki, mo e to liga pa foki e tau puhalatu mo e falu he tau matakavi nonofo. Kaeke ke nakai maeke ia koe ke fano he hala ne fa mahani a koe ke finaatu ki kaina, to hoko fefe foki a koe ki ai? To fano a koe mo hai? Feleveia a mutolu ke he na fe kaeke kua nakai maeke e hala ne nofo ai a koe ke finaatu ki ai?

TAUTE KE MAU

- 1 Talia ke he taha feleveiaaga foki kaeke kua nakai hoko a koe he liu ki kaina. Maeke ke pehe ko e fale aoga, kaina he taha kapitiga poke magafaoa.
- 2 Kaeke ke fano kehe a koe mai he kaina ke gahua, kumi e tau kau gahua ne nonofo he matakavi ne nofo a koe. Kaeke ke tupu taha mena fakalutukia maeke ia mutolu ke o auloa
- 3 Toka e taha kato koloa he haau a gahuaaga poke ke he haau a peleoafi. Kua lata e kato nei haau ke toka ai e tau tevae fano hui, tau menatui mafana, tau mena kai mama mo e taha lupu vai. Ko e taha kasa, tau makakasa mo e taha letio ke aoga lahi foki.

LAGOMATAI AOGA

Age ke he aoga toko tolu e higoa he tau tagata ne maeke ke lagaki mai e tau fanau he aoga kaeke kua nakai hoko a koe ki ai.

Ko e heigoa haau ka taute?

KUA LATA KE HOLA KEHE



Falu a tau fale, tau puhalatu mo e tau matakavi nonofo ne liga ke nakai haohao mitaki ke nonofo i ai mo e kua liga lata ia koe ke hola fakamafiti. Kaeke kua fehola e tau tagata he haau a puhalatu ne toka e kaina to fano a koe ki fe? Ko e heigoa haau ka uta? Ai kua e tau manu fao? Fai nakai ne kua manako lagomatai he haau a tau katofia kaina?

TAUTE KE MAU

- 1 Taute e taha kato koloa mae tau tagata oti he haau a loto kaina. Kua lata e kato nei ke ha iai e tau mena tui mafana, taha lupu vai, tau kai mama, tau lagaki he tau laupepa mahuiga, mo e taha pepa ne fakamooli ko koe mo e haha i ai e ata. Manatu e tau vai haau neke kua lata ke uta. Toka e kato first aid, moli kasa, letio mo e tau maka kasa he taha mena ne maeke ia koe ke tatakai mai fakamafiti.
- 2 Iloa ko e fano a koe ki fe (mo e iloa tonu kua iloa oti he haau a tau tagata he lotokaina, neke kua nakai auloa a mutolu). Ko e matakavi ka hola atu a koe ki ai to liga fakalataha ni mo e tau kapitiga poke tau magafaoa, ti manatu ke fakailoa age e koe e haau a tau palana.


- 3 Kaeke kua nofo a koe he taha matakavi ke fehola kaeke ke fai peau kula, iloa tonu ko e matakavi ka fehola ki ai ne haha iai ki fafo he haau a kaina.

LAGOMATAI AOGA

Kaeke kua lata ia koe ke fano kehe, uta e haau a tau manu fao mo koe. Kaeke ke nakai haohao mitaki ma haau, to nakai haohao mitaki foki ma lautolu. Iloa mooli to talia nakai he fale fakamalu e haau a tau manu fao. Poke fai numela ke tauheha ke he tau fale leveki manu, fale leveki pusi mo e tau motela ne talia e tau manu.

Ko e heigoa haau ka taute?

AI FAI HILA



Ko e heigoa haau ka taute kaeke ke totou e tau aho he nakai fai hila? To kitia fefe, tunu kai fefe, mo e fakamafana fefe e tau tino? Ka mate e hila maeke e tau masini EFTPOS mo e ATM ke lauia, ti toka e taha tupe pepa he lotu kaina, poka tau koloa mo lagomatai aki a koe ke tolu e aho poka molea.

TAUTE KE MAU

- 1 Nakai pehe ke tuku ni e tau koloa fakaaoga haau ki lotu he taha e kato pauaki, ka e liga to fano ni a koe ke kumi e tau koloa nei he pouli. Fakamooli kua iloa oti e lautolu e tokaaga he tau kasa mo e tau maka.
- 2 Toka e taha letio ne fakaaoga aki e makakasa poka sola ke maeke ia koe ke iloa e tau fakailoaaga mo e tau tala fakapuloa foou. Iloa ko e tau numela letio fe ke fanogonogo ke moua e tau fakailoaaga he magaaho ka tupu e taha mena fakalutukia.
- 3 Fai koloa fakaputu ne ai lata ke tunu (mitaki e tau koloa punu) poka taha mena mo tunu aki e kai haau (mata kese papakiu poka taha sitou uta kemu). Ua nimo e tau kai ke lata mae tau mukemuke mo e tau manu fao.

- 4 Kaeke kua mate e hila, kai mua e tau kai he haau a filisa momoko, to filisa aisa. Ti kai e tau kai ne haha i ai he haau a tau kapati poka haau a koloa fakaputu pauaki ke lata mae tau mena tutupu fakalutukia.

LAGOMATAI AOGA

Tutala ke he haau a tau katofia kaina ke iloa ko e heigoa ha lautolu ka taute kaeke kua mate e hila. Neke to moua ko e fai papakiu kese e kau mo e loga e haau a tau kai mo e vai ke tufatufa auloo (poka pihia foki a lautolu).

Ko e heigoa haau ka taute?

NAKAI FAI VALAVAI



Manamanatu la ki ai kaeke kua nakai fai vai ke tolu poke molea e aho. Koukou, tunu kai, fakamea fefe a koe? Ko e heigoa haau ka inu?

TAUTE KE MAU

- 1 Toka haau a tau gati lupu mo e tau lupu inu humelie, fakamea mo e fakapuke aki e tau vala vai. Kua lata ia koe ke toka ke tolu e lita valavai mae taha e tagata he tau aho taki taha ne kua nonofo a mutolu mo e nakai fai vai. Ua fakaaoga e tau gati lupu huhu Uka lahi e kau ke fakamea mo e maeke ia koe ke moua e taha gagao. Ua nimo ke fakaputu foki e tau vala vai ke lata mae tau tama mukemuke mo e tau manu fao.
- 2 Maeke ia koe ke toka e tau vai inu ke hoko ke he taha e tau kaeke kua fio aki e koe e taha vai fakamea fale ne nakai fai namu. Fakaaoga hafa e sipunu tote ke lata mae hogofulu e lita valavai mo e ua inu ato hoko ke he hafa e tula ka mole e fio. Iga mo e fakamailoga e tau lupu aki e aho ne fakapuke ai. Fakaputu e tau lupu he taha mena hahau mo e pouli.

- 3 Manatu ke fakaputu e vai ke lata mae tunu kai mo e fakamea foki. Maeke ia koe ke fakaaoga e vai he haau a puha vela, ka e fakaputu foki ki loto he tau lupu palasitiki lalahi.

LAGOMATAI AOGA

Maeke foki ia koe ke fakapuke e tau puha asikulimi aki e vai mo e toka ki loto ke filisa aisa. Maeke e tau mena nei ke tumau e hahau e tau mena kai kaeke kua mate e hila mo e maeke foki ke fakaaoga mo inu.

Ko e heigoa haau ka taute?

NAKAI FAI TELEFONI POKE KUPEGA HILA



Ko e heigoa haau ka taute kaeke ke mamate e tau laini telefoni mo e kupega hila? Matutaki fefe a koe, ke pulega ke feleveia poke iloa e tau fakailoaaga mo e tau fuafua matagi? Ke he laulahi he tau mena tutupu fakalutukia, kua mitaki ni ke nofo i kaina. Taute e haau a kaina mo fale ke feleveia ki ai mo e fai feleveiaaga foki kaeke kua nakai hokotia ki kaina.

TAUTE KE MAU

- 1 Tutala ke haau a magafaoa ko e matutaki fefe mo e feleveia ki fe kaeke ke tupu e taha mena fakalutukia.
- 2 Fakamooli kua iloa e koe e tau palana he haau a fale aoga poke aoga fakamahani kaeke kua fai mena tupu fakalutukia. Age e tau higoa he tolu e tau tagata ka maeke ke lagaki mai e tau tama kaeke kua nakai maeke ia koe ke hoko ki ai.
- 3 Fai letio ne fakaaoga he tau makakasa poke sola ke logona e tau fakailoaaga foou mo e tau talahauaga lalahi. Iloa ko e tau numela letio fe ke fanogonogo ke moua e tau fakailoaaga he magaaho ka tupu e taha mena fakalutukia.
- 4 Toka e taha fakamauaga he tau numela telefoni mahuiga.

- 5 Taute ke fai matutakiaga ki fafo he taone ne iloa oti he tau tagata. Falu magaaho kaeke kua ai gahua e tau laini telefoni maeke agaia ni a koe ke hea ke he tau tagata ki fafo he haau a matakavi. Fakaako kia lautolu kaeke ke fai mena tupu fakalutukia, ke matutaki ke he haau a tau tagata ne matutaki ki ai i fafo he taone puhala ki ai he tau tohi telefoni poke tau tohi hila.

LAGOMATAI AOGA

Ka tupu e taha mena fakalutukia, maeke he tau laini telefoni ke mafiti ke puke. Toka e tau laini ke ata mo e maeke e tau tauheha fakalutukia ke hoko mo e, ka maeke ia koe, fakaaoga e tau tohi telefoni utafano poke tau tohi kupega hila ke mau e tau matutakiaga.

PUIPUI E HAAU A KAINA KE MAHOMO ATU E HAOHAO MITAKI



Nakai maeke ia tautolu ke iloa e tau mena tutupu fakalutukia, ka e maeke ia tautolu ke nofo tauteute. Ko e taha mena ne mitaki ke kamata aki ko e haau a lotokaina. Fai vala tala mahuiga mai he Natural Hazards Commission Toka Tū Ake ke he tau puhala ne maeke ia koe ke teuteu haau a kaina mo e leveki haau a magafaaoa.

TAUTEUTE FEFE E HAAU A LOTOKAINA KE MAHOMO ATU E HAOHAO MITAKI

- 1 Fakaaoaga e tau fakalago poke tau kave mao ke fakamau aki e tau koloa fale tokoluga ke he tau pine kaupa pauaki.
- 2 Une e tau koloa mamafa mo e lololole ke he tau fata poke tau kapati ne tokolalo hifo.
- 3 Tautau e tau fakatino mo e tau fakaata he tau pine pauaki (nakai ko e tau fao taki taha).
- 4 Manatu ke iloa e koe e tokaaga he tau matapatu ke tamate aki e hila pihia mo e tau tepe ke lata mae kese mo e vai.
- 5 Fai he tau simini piliki poke simeni ne lahi atu e hagahagakelea mo e maeke ke malolo kaeke ke to e mafuike. Kumikumi ke he

poko kupega hila he Natural Hazards Commission Toka Tū Ake ke moua falu foki e tau vala tala hagaa ko e taute fefe ke haohao mitaki ka fakaaoaga e tau simini.

- 6 Kaeke ko e na tautau fakahili e haau a fakatokaaga foloa, fakakia ko e mau mitaki agaia nakai. Fakakia ko e matutaki mitaki nakai e fakatokaaga foloa mo e fale ne tu ai.

Ke moua foki falu vala tala ke he tau puhala nei, mo e falu foki, finatu ke he poko kupega hila Natural Hazards Commission Toka Tū Ake he [naturalhazards.govt.nz/be-prepared](https://www.naturalhazards.govt.nz/be-prepared)



**Natural Hazards
Commission**
Toka Tū Ake

FAKATUMAU KE ILOA E TAU MENA TUTUPU



Mahuiga lahi ke iloa e tau puhala kehekehe ne maeke ia koe ke iloa e tau mena tutupu ke he magaaho ka tupu e taha lekua fakalutukia.

Kupega Hila

Ke moua e tau vala tala fooo ke he haau a matakavi, fakakia ke he poko kupega hila he tufono maaga pihia mo e tau poko kupega hila ne mahuiga ke he tau tagata tokologa. Pihia foki mo e poko kupega hila he Civil Defence Emergency Management Group mo e tau poko kupega hila ne mahuiga ke he tau tagata tokologa. Ko e tau vala tala fooo he motu to maeke ke moua ke he www.civildefence.govt.nz mo e [@NZCivilDefence](https://twitter.com/NZCivilDefence) ko e fakaholoaga Twitter channel.

Iloa e haau a tau katofia kaina

Kaeke ke tupu e taha lekua fakalutukia, to maeke ia mutolu ke felagomataiki ha kua lavelave e kau gahua civil defence mo e tau faahi gahua he lagomatai ke he tau tagata ne kua lata lahi ke moua e tau lagomatai mai ia lautolu. Finaatu ke gahua auloa mo e haau a maaga mo e feiloaaki haau a tau katofia kaina to tupu e taha lekua fakalutukia.

Letio

Kaeke ke mate e hila, to maeke he taha letio ne moui ke he sola poke makakasa (poke letio he haau a peleoafi) ke lagomatai a koe ke tumau ke iloa e tau vala tala fooo.

Fakailoaaga Fakalutukia he Telefoni Utafano (Emergency Mobile Alert)

Ko e tau Fakailoaaga Fakalutukia he Telefoni Utafano (Emergency Mobile Alert) ko e taha puhala a ia ke moua mai e tau vala tala hagamatai ke tau lekua tutupu fakalutukia he haau a matakavi. Kaeke ke nakai haohao mitaki e haau a moui, malolo tino poke kaina, to maeke e tau Fakailoaaga Fakalutukia he Telefoni Utafano (Emergency Mobile Alerts) ke fakafano ke he haau a telefoni utafano. Nakai fakapuke pepa a koe poke lali ke hu atu ke he taha poko kupega hila.

FAKAAKO KE ILOA E TAU MENA HAGAHAGA KELEA

Ke iloa e falu he tau faga mena hagahaga kelea ne maeke ke eke mo taha lekua fakalutukia he mena haau ne nofo ai mo e ko e heigoa e mena hako ke taute, finaatu ke he www.getready.govt.nz



TAU VAI
PUKE



TAU MATAGI
MALOLO



TAU MAFUIKE



PEAU KULA



TAU
GAHUAHUA HE
MOUGA PA



TAU KELEKELE
KUA MALOLO
MO E HOLO



TAU VAI PUKE

Fa tupu laga loga e tau vai puke mo e maeke ke lahi e matematekelea.

Fa mahani e tau vai puke ke tupu ha ko e tau uha mamafa po ke tau afa pakulagi. Maeke ke moua ke he tau pakia mo e mutuhia e tau momoui, momou e tau kaina mo e takiva e vai mo e fonua.

Hagahaga kelea lahi e tau vai puke kaeke ke hokulo lahi e vai po ke mafiti lahi e tafe he vai po kua mafiti e vai ke hake lahi, po kua loga lahi e tau otaota tuga e tau la akau mo e tau lau kala apa.

KUA HOHOKO MAI E TAU VAI PUKE

- Aua neke lali ke fano hui, kakau poke fakaholo e motoka he tau vai puke.
- Uta e tau koloa uho mo e tau koloa hagahaga kelea ke taha mena ne mua e tokoluga mai he foloa.
- Lagaki kehe e tau palana, tau tutuhui mo e tau faliki mohega mai he foloa.
- Fanogonogo ke he letio mo e muitua ke he tau hatakiaga mai he tau faahi lagomatai ke he tau lekua tutupu fakalutukia.

FALU VALA TALA FOKI



Ke moua foki e falu vala tala ko e heigoa ke taute to hoko mai, kua hoko mai mo e kua mole e tau vai puke, finaatu ke he www.getready.govt.nz



TAU MATAGI MALOLO

Maeke he tau afa lalahi mo e tau matagi hagahaga kelea ke tutupu ha magaaho ni he tau mo e lauia ke he tau fonua lalahi. Maeke e tau afa nei ke omai fakalataha mo e tau matagi malolo, uha lahi poke kiona, paku e tau lagi, kape e tau hila, tau tiotio mo e loka lahi e tahi. Fa fakailoa he MetService e tau fakailoaaga matagi afa mo e tau hatakiaga he tau faahi fakapuloa ke he tau mena tutupu pihia foki he ha lautolu a poko kupega hila www.metservice.com

KUA HOKO MAI E MATAGI MALOLO

- Tamai ki fale poke lili hifo ha mena ni ne maeke he matagi malolo ke moumou poke lagaki.
- Papa e tau puhio mo e tau gutuhala, papa e tau palana ke kalo kehe mo e ua pakia kaeke ke malipilipi e tau puhio.
- Nonofo i fale mo e tamai haau a tau manu fao ki fale. Kaeke kua lata ia koe ke fano kehe, uta a lautolu mo koe.
- Fanogonogo ke he letio mo e muitua ke he tau hatakiaga mai he tau faahi lagomatai ke he tau lekua tutupu fakalutukia.

FALU VALA TALA FOKI



Ke moua foki e tau vala tala ke iloa ko e heigoa ke taute to hoko mai, kua hoko mai mo e kua mole e afa po ke matagi hagahaga kelea, finaatu ke he

www.getready.govt.nz



TAU MAFUIKE

Ke he tau tau oti ne fa molea e 150 e mafuike ne lalahi ke logona. Maeke e taha mafuike fakamatemate kelea ke tupu ha magaaho ni mo e maeke ke mui mai foki e tau logonaaga pete kua mole ke fai magaaho. Laulahi he tau momoui ne kua mutuhia ha ko e tau mafuike mo e tau pakia lalahi ha kua malolo e tau kaupā fale, mo e tau hio mo e tau koloa mokulu ha kua lulululu. Maeke kaeke ke to e taha mafuike lahi, ke mokulu hifo e tau patuo fakatata mo e tau hio he tau fale tokoluga ke he puhala tu i lalo.

KUA TO E MAFUIKE

- Kaeke ko koe ki fale, Fakato Hifo, Uufitia mo e Gega – aua neke poi ki fafo neke lau a koe he tau piliki mo e tau vala hio mokulu.
- Me tei va’o koe, neke no teta’i nga taka’i’anga ua, mei ko i te au ‘are, te au pu rakau, te au mōri-mataāra, e te au poupou uira, i reira ka ‘Akatopa, Tāpoki, ma te Mou ei.
- Fakato Hifo, Uufitia mo e Gega ato mole e lulululu.
- Kaeke ke loaloa atu e mafuike ke molea e minute poke malolo lahi ke uka ke tu, fano fakamafiti ke he taha vala he fonua ne mua atu e tokoluga poke finaatu taha ke he faahi vao ke mole lahi mai he tau matakavi ne kua fakamailoga kua nakai haohao mitaki mai he peau kula (tsunami) mo e kua nakai lata ke api ai.
- Loga he tau pakia ne fa tutupe ka mole e lulululu, fakaeneene ha ko e tau hio malipilipi mo e tau mena matila.

FALU VALA TALA FOKI



Ke moua foki e falu vala tala ko e heigoa ke taute to hoko mai, kua hoko mai mo e kua mole e mafuike, finaatu ke he www.getready.govt.nz



PEAU KULA

Ko e peau kula (tsunami) ko e loga he tau peau fafati ne laga ha ko e tau mafuike lalahi. Ko e tau matakavi ne toka ke he tau kaukautahi ha Niu Silani ne nakai haohao mitaki mai he tau peau kula. Maeke he peau kula ke tupu ke tuga e kaupā valavai ne fae holo fakamafiti.

ILOA E TAU HATAKIAGA TUTUPU NOA NE KUA FAKAKITE MO E TAUTE E MENA KUA LATA

Kaeke ke tata a koe ke he faahi tahi mo e logona e tau mena nei ne ui mai, taute taha mena.

- Ka logona e taha mafuike kua lulululu fakamalolo ne logona foki kua uka ke tu ki luga poke taha mafuike ne kua lulululu ke he taha e minute po ke molea,
- Kitia e tahi kua amanaki ti hake taha e puke poke mafiti ke mamiti foki,
- Logona e taha foutu lahi poke taha logonaaga kua kehe mai he tahi.

Finaatu fakamafiti ke he taha vala he fonua ne tata lahi mo e tokoluga, po ke finaatu fakamamao ke he uho motu.

TO HOKO MAI E PEAU KULA

- Finaatu fakamafiti ke he taha vala he fonua ne tata lahi mo e tokoluga, po ke finaatu fakamamao ke he uho motu. Fano hui po ke pasikala taholi ka maeke.
- Aua neke fano ke kitekite ke he ha mena. Aua neke fano ke he mataafaga ke onono ke kitia e peau kula.
- Fanogonogo ke he letio mo e muitua ke he tau hatakiaga mai he tau faahi lagomatai ke he tau lekua tutupu fakalutukia.
- Fano fakamamao mai he tau matakavi ne hagahaga kelea lahi a to moua mai e fakaataaga mai he tau pule gahua.

FALU VALA TALA FOKI

Ke moua foki e falu vala tala ko e heigoa ke taute to hoko mai, kua hoko mai mo e kua mole e peau kula, finaatu ke he www.getready.govt.nz



TAU GAHUAHUA HE MOUGA PA

Maeke e gahuahua he mouga pa ke o mai e tau efu mokulu, tau maka mokulu, tafe mafiti e tau ahua kona vela mo e tau maka mai he mouga pa, tau maka vela kua tafe, mo e tafe e tau pelapela makimaki. Maeke ke pakia mo e mutuhia e tau momoui he tau tagata, mo e mounou e tau kaina, falu a magaaho teau mo teau e tau kilomita ne mamao.

KUA GAHUAHUA E MOUGA PA

- Papa oti e tau gutuhala mo e tau puhio mo e nonofo mau i fale.
- Kaeke ko koe ki fafo ne tata ke he taha mouga pa, fakamalu ki loto he taha motoka po ke taha fale.
- Kaeke ko koe ki fafo mo e kua mokulu e tau efu mai he mouga pa, tui e taha pa mata efu po ke uufi aki e taha kalaie e haau a gutu mo e ihu.
- Aua neke fakaholo kaeke kua fai efu agaia ni he puhalatu.
- Fanogonogo ke he letio, muihua ke he tau hatakiaga mai he tau faahi lagomatai ke he tau lekua tutupu fakalutukia ti aua neke o atu ke he tau matakavi ne kua fai fakakaupaaga ke nakai o atu ki ai.

FALU VALA TALA FOKI



Ke moua foki e falu vala tala ko e heigoa ke taute to hoko mai, kua hoko mai mo e kua mole e tau mouga pa, finaatu ke he www.getready.govt.nz



TAU KELEKELE KUA MALOLO MO E HOLO

Maeke e kelekele holo ke kitia ko e taha maka e patuo, ke hoko kua malolo lahi e kelekele mo e hau fakalataha mo e tau patuo ne maeke ke totolo ke hoko ke he loga mo loga e tau kilomita.

Kua tupu pihia ha ko e uha lahi, tau mafuike mo e, he falu magaaho ha ko e tau eke gahua he tau tagata. Maeke e tau kelekele holo ke tupu fakahaupo.

KE HE MAGAAHO KUA MALOLO HIFO E TAU KELEKELE

- Fakamafiti ke hola kehe mai he hala he kelekele ne kua malolo.
- Tauhea atu ke he haau a tau katofia mo e lagomatai ke he falu ka maeke ia koe.
- Matutaki ke he tau kau gahua ne lagomatai ke he tau matematekelea tupu fakalutukia pihia mo e haau a tufono maaga.

FALU VALA TALA FOKI

Ke moua foki e falu vala tala ko e heigoa ke taute to hoko mai, kua hoko mai mo e kua mole e kelekele totolo, finaatu ke he www.getready.govt.nz

TAUTEUTE E HAAU A MAAGA KE MAU

Fano ke iloa e haau a tau katofia kaina

Kaeke ke fakamahani a koe mo e haau a tau katofia kaina, to mukamuka ia mutolu ke femataaki, muaatu kaeke ke tupu e taha lekua fakalutukia, tuga e afa poke taha mafuike lahi.

- Feiloaaki e tau numela telefoni ke maeke ia mutolu ke matutaki kaeke ke tupu e taha lekua fakalutukia.
- Talaage ki ai e haau a palana ke lata mae tau lekua tutupu fakalutukia mo e huhu ko e heigoa ha lautolu a tau palana.
- Kumikumi ke iloa ko hai ka maeke ke lagomatai a koe mo e ko hai ne ligaliga ke manako ke he haau a lagomatai.

Hu atu ke he taha matakau Neighbourhood Support (felagomataiaki e tau katofia kaina)

Hu atu poke fakatu e taha matakau Neighbourhood Support (felagomataiaki e tau katofia kaina) Maeke ia koe mo e haau a tau katofia kaina ke tufatufa e tau lotomatala mo e tau koloa mo fakaaoga ke lagomatai aki a koe ke hu mai mo e mafola ka tupu e taha lekua fakalutukia.

Taute e taha palana mae maaga ke lata mae tau lekua tutupu fakalutukia

Ne maeke he palana he maaga ke lata mae tau lekua tutupu fakalutukia ke fakamaama kia lautolu e tau puhala ke felagomataiaki ka tupu e taha lekua.

Matutaki ke he Civil Defence Emergency Management Group ke iloa ko e fai palana nakai e maaga ke lata mae tau lekua ka tutupu fakalutukia he haau a matakavi. Maeke a lautolu ke gahua mo koe ke mailoga e tau malolo, tau koloa fakaaoga, tau mena ne hagahagakelea mo e tau puhaha ke maeke haau a maaga ke hu mai mo e mafola ka mole e lekua.

ONOONO FAKAMAHINO KO E HEIGOA E HAAU A TAU KOLOA KUA LATA KE MOUA

Kaeke ke tupu e taha mena fakalutukia, kua maeke ia koe ke apitia ke he lotu kaina ke tolu e aho poke molea. Liga kua fita e katoatoa e haau a tau mena kua manako a koe ki ai. Maeke ke toka kehekehe e tau koloa nei, ka e liga to fano fakamafiti a koe ke kumi e tau koloa nei he pouli tatago. Taute mo e iloa ko e heigoa e tau koloa ne kua manako mo e taute e taha palana ke hoko mo e mafola.

Ko e tau koloa kua lata ke fai he lotu kaina

- Ko e tau vai ke lata mae tolu e aho poke molea — taute ke igatia oti mo e hiva e lita valavai. Lahi e vai nei mo inu pihia mae tau fakameaaga ke he tino kua lata.
- Tau menakai ne maeke ke leva e toka mo e nakai lata ke tunu foki (poke haha i ai e taha sitou kemu poke matakesese papakiu) mo e tau kai ke lata mae tau mukemuke mo e tau manu fao.
- Pepa falavao mo e tau pakete palasitiki ke fakaaoga mo falevao ka ai fai.
- Tau afi-lima mo e taha pamata P2 poke N95 ne hao mitaki.

Ko e tau koloa kua lata ke fai i lotu he taha kato neke kua lata ia koe ke hola mafiti

- Moli hulu mo e tau maka moli
- Letio - moui ka vilo po ke fakaaoga he tau maka moli
- Tau vai tamate moko mae tau lima
- Taha tupe
- Tau lagaki he tau laupepa mahuiga mo e tau fakamooliaga ko koe ia ne lalafi ki ai e tau ata
- Tau sevae fanofano, tau menatui mafana, pauha mo e pulou
- Puha toka e tau koloa tului mo e vai fakamalolo mai he ekekafo
- Tau valavai mo e tau mena mo kaikai (manatu e tau mukemuke mo e tau manu fao foki)

FALU VALA TALA FOKI

Fakatutala mo e tau fanau haaao ke he tau lekua tutupu fakalutukia

Maeke ia koe ke fakagahuahua foki e tau fanau ikiiki he magaaho ka palana mae taha lekua tupu fakalutukia kaeke ke age ki ai e tau tama gahua ikiiki ke taute. Tutala ki ai he taha puhala mooli, ka e ua fakamatakutaku, ke he ko e heigoa e mena ka tupu ka fai lekua fakalutukia, ko e heigoa haa u ka taute ke tumau e haohao mitaki, mo e ko e heigoa e haa u ka palana kaeke ke nakai maeke a koe ke hoko ki kaina. Ka lahi e felagomataiaki ke he fekau, to tukuhifo e matakutakuina a lautolu he magaaho ka tupu e lekua fakalutukia.

Palana mae haa u a tau manufao mo e falu manu foki

Ko e tau manu fao ko e haa u a levekiaga a lautolu. Kua lata ia koe ke putoia a lautolu ke he tau palana mo e tau teuteu haa u ha ko e tau lekua tutupu fakalutukia. Fakaputu ke loga e tau menakai, tau valavai mo e tau koloa ke lata mae haa u a tau manu ke tolu e aho mo e molea.

Leveki ke he tau tama mukemuke kaeke ke fai lekua tupu fakalutukia

Hagahagakelea lahi ke he tau tama mukemuke ke magomago e tau tino poke moua e taha gagao pikitia. Kua lata ke moua e tau levekiaga mo e ononooga fakamakutu kaeke ke fai lekua tupu fakalutukia. Manatu ke tuku foki e tau koloa mae tama mukemuke haa u he taha kato koloa, neke kua lata ia koe ke mafiti e fano kehe mai he kaina.

Toka falu he tau koloa he fale gahua

Fakaputu e tau koloa fakaaoga ke he fale gahua mo e lalafi ki ai e tau tevae malolo, taha pauha malu mitaki, taha kasa, tau mena mo kaikai mo e tau vala vai. Matutaki mo lautolu ne nonofo he matakavi taha mo e maeke ke gahuahua auloa ke hoko ke he loto kaina ka tupu e taha mena fakalutukia.

MANATU KE...

GET READY

www.getready.govt.nz

Finaatu ke he poko kupega hila ke moua falu vala tala hagaao ke he tau lotokaina, tau fale aoga, tau fale gahua, tau katofia kaina, fano fenoga, tau manu fao mo e fai foki.

Po ke matutaki atu ke he haau a Civil Defence Group ne tata.



**National Emergency
Management Agency**
Te Rākau Whakamarumarū